

# KEBAKTIAN ADVEN **KEEMPAT** KELUARGA BNKP TAHUN 2013

## 1. **Fanunu Lili + Votum**

No fulöi ba taröi zi tölu Adven. Iada'e ofeta ita ba wama'anö fanema'ö wa'atumbu Yesu Keriso, si möi ba khöda.

Datatemala'ö la, sifao tanda wanunuda lili ..

*itunu lili sangai Huhuo Sebua ...*

Datafalua wama'anö tödöda ba Adven si IV andre, tafalua wasumangeta andre ba döi Lowalangi Ama, solomasi, ba döi Yesu Keriso, sangorifi, ba ba döi Geheha Ni'amoni'ö, sangehao tödöda.

Yaduhu!

## 2. **Manunö Buku Zinunö No. 30:1-2** **“Mifaoso, So Zoaya”**

1. Mifaoso so Zo'aya, fondrege Zalawa, sitobali numana, ba guli danöda

lröi lakhöminia ba we'amöi khöda, faböi alawö ita wanema Ya'ia

2. Da'ö zumangenia na'ötema la, be'e dödüu nihaogö Zo'aya ya'ita.

Fonaha ba dödümö Daroma li-Nia, odaligö Zo'aya ba wo'amuata

## 3. **Fangandro (fangombakha ba fangefa horo)**

No fulöi ba taröi zi tölu Adven. Iada'e ofeta ita ba wama'anö fanema'ö wa'atumbu Yesu Keriso, si möi ba khöda.

Datatemala'ö la, sifao tanda wanunuda lili ..

*Te'obini moroi ba gotalua ndra sohalowo ba wangandro,  
ba ma moroi ba gotalua mbanua niha Keriso.*

*Mato darua niha ba tola tora ...*

## 4. **Koor/Vocal Group Keluarga**

**5. Manunö Buku Zinunö No. 34:1-2  
“Me Möi Khöda Zoaya”**

1. Me möi khöda Zo'aya, ya dozi manunö ita  
Ya'omuso dödöda, meno tohare Razoda  
Lö itenawa ita, na ta'ondrasi la
2. Me möi khöda Zo'aya, oi iheta zifatimba  
Ibe khöda geheha, samatörö fa'aurida  
Sangamuri tödöda, wanörö lala haga

**6. Angerönuu**

1. Fombaso Yesaya 40:1-4
2. Fangandrö
3. Fama'ema huhuo

**MIFADAYA LALA KHÖ LOWALANGIDA**  
*Yesaya 40:1-4*

No ahatö so la, möi ia khöda. Hadia manö zi no tafalua ba zi no tölu adven si no talalöi? Hewisa wama'anö si no tafalua? Fama'anö ni'andrö khöda tenga ba nukha si bohöu, tenga ba gö sebua böli, tenga ba gaba-gaba si no mufa'anö, ba tanö bö'öniana. Hadia wama'anö satulö? Tödö si no arasa, fa'auri si no falukha wamalalini era'era, sangokhögö fahasambua ba fahasara dödö sodanedane ba wa'omasi, ba fehede sohauhau si löfaruka faya ba fayawasa.

Ba adven si öfa andre, tefodumaduma wama'anöda ya'ita simane Iraono Gizera'eli luono, si falukha fangefa moroi ba danö ni'osawuyu ya'ira, tanö si no mu'oloi'ö ya'ira, moroi ba Mbabelonia. Me no ahatö mbawa wangefa andrö, ba moguna mama'anö ira. Hadia zinangea mufalua ba mu'okhögö? So 2 ngawalö:

(1) **So wehia dödö (ayati 1-2)**

Ena'ö simane Iraono Gizera'eli ita göi, sifalukha fa'omuso dödö börö duria somuso dödö, ya'ia duria wangefa andrö. Me no awai wamakao ba fangaröngarö, aheta moroi ba nahia ni'osawuyu, tola mangawuli ira ba mbanua Yerusalem.

*Na ba ginötö si lalö andre, no simörö tödö ita, no ihawui fa'areu, ba no i'u'uni amuata nono zogömigömi, iada'e tekaoni ita ena'ö maoso ita, ta'okhögö wa'omuso dödö ba wanema'ö fa'atohare Mesia.*

(2) **Mihaogö Lala Zo'aya (ayati 3-4)**

Börö me sofanö sangawuli ba Yerusalem ira, ba lafati wa Yehowa zifao awöra ba lala. Andrö börö da'ö mohalöwö ira ba wangehao lala, me no Razo zanörö lala andrö. Mufadaya lala ba mbenua, mufadaya ma mufalo'o lala, ya'ia na mutimbu mbawa danö ba mukhao hilihili, ena'ö böi tetaha mbeka ba wofanö.

*Te'oguna'ö "halöwö fangehao ba famadaya" andre tobali dumaduma ba wama'anö famaondragö razo si tohare, ya'ia Mesia, Yesu sedöna tohare andrö. Bahiza, khöda ia da'e, tenga gotoroyo wangehao lala, ewali, bandra, ba ma mangehao gaba-gaba nomoda, hiza'i, tefodumaduma da'e, ya'ia wondröi fayawasa, fa'afökhö dodo, fakhögusa, fa'areu, fa'udu'udusa, femabumabu, famaisa, faya'osa, ba amuata bö'önia si lö faudu ba zomasi Lowalangi. Taröi da'e fefu, taböhöi sa'ae zi lö atulö, ba tafalua zi sökhi ba wa'aurida.*

lada'e data'orama'ö ba keluargada wa no ta'okhögö wamalalini era'era, ta'okhögö wahasambua ba fahasara dödö, ba ta'o'aurifagö wa'omasi sindruhu andrö. Tabologö dödöda khönawöda na so zifasalasala ita ba zi lalö, ena'ö si teboka mbawandruhö nomoda, möi Yesu ba khö da **(tefalua wara'usa tanga ba wangatulö ba keluarga).**

Data'omusoi'ö dödöda ba wamaondragö Mesia, tabokai mbawandruhö dödöda ena'ö tumbu Yesu So'aya.

Yaduhu!

*mutema'o faoma: No mafondrondrongo LiU ..*

## **Manunö “No Mafondrondrongo LiU”**

### **7. Manunö Buku Zinunö No. 33:1-2 “Hosiana Razoda”**

*te'owuloi game'ela ...*

1. Hosiana, Razoda, si to'ele ba Ziona  
No fondrege Zalawa, Ono Lowalangi Ama  
Ma'uwu Dawido göi, sangorifi fefu soi
2. Hosiana, So'aya, ma'omai'ö fanunöma  
Oi humulu dödöma, wanema Ya'ugö khöma  
Onahia dödöma, wamatörö ya'aga

### **8. Fangandrö (doa syafaat) Fangandrö Zo'aya**

### **9. Howuhowu**

Yafalukha ita fefu wa'ebua dödö Zo'aya ya'ita Yesu Keriso,  
Fa'omasi Lowalangi Ama, ba Fa'awösa Geheha Ni'amoni'ö.  
Yaduhu!

### **10. Manunö “Duhu, Duhu, Yaduhu”**

### **11. Ya'ahowu**

*Bersalam-salaman*

# Selamat Adven **Keempat** 2013